

BERTSO SORTA:

Doinua: Maitasuna izan leike.

1-Askorentzat garrantzitsu

edozer izan daiteke
Luxuzko autoak edo
gauzak badaudenak merke
Baina guztiok honetan
konforme egon gaitezke
Euskal kultura dugula
denontzako inportante
Bertsoak, dantza, musika
gure kulturaren parte
Pelotariak artea
barru-barruan daukate
Bertsoak, dantza, musika
gure kulturaren parte
Eta garrantzitsuena
hizkuntza bera genuke.

2-Zazpi probintzia eta

bakoitzak bere hizkera
Talde bat osatu behar
genuke denok batera
Goazen guzti-guztiok
geurea defendatzera
Oraintxe bertan daukagu
ta ezin galdu aukera
Alde batetik frantsesa
ta bestetik gaztelera
Bi hizkuntza handi hauek
datorzkigute gainera
Alde batetik frantsesa
ta bestetik gaztelera
Merezi duen moduan
zaintzen al dugu Euskara?

3-Udaran gure etxera

etorri zitzaigun Abbie
Estatu Batuetatik
bera ta gazte ugari
Beraiek aritu ziren
begira iraganari
Aiton-amonak hemendik
joan baitziren aspaldi
Eman nahi ziotelako
aukera bat Euskarari
Horregatik jarri ginen
begira datorrenari
Eman nahi ziotelako
aukera bat Euskarari
Urrutitik lekzio bat
ematen bertakoari.

4-Lan asko egina dugu

puntu honta iristeko
Urte asko behar izan
daukagun dena lortzeko
Esaten dutenagatik
dena galduko da seko
Baina oraindik aukera
badaukagu aldatzeko
Edonork aukera dauka
Euskalduna izateko
Ta guk ez genun ikasi
gero ez erabiltzeko
Edonork aukera dauka
Euskalduna izateko
Jarrai dezagun lanean
hizkuntzarik ez galtzeko.

